

永平府志卷五十二

列傳四

名宦四

元

孫明大甯人英銳不拘小節好學能詩以明經任山北
憲司幕至元四年遷灤州知州刑清政舉修學養士
州人賴焉祀名宦

郭仁義武州人大德中任遷安尹惠愛及民秩滿當代
縣人保留不得祀名宦

左闢良鄉人泰定中任昌黎尹尊崇學校輕徭薄賦慎
民力老穉咸感思之勒石紀德

永平府志

卷五十二

名宦四

一

柴本立至元中任樂亭尹敬事勤民無一夕懈覩廟學
頽圯慨然歎曰學校不修儒風靡振長民罪也於是
捐俸金集同志撤而修之成不逾時民亦不告勞當
時翕然稱焉

周宏字希道遷安人至正中爲昌黎尹撫字有方多惠
政時程思中作亂宏率民拒守城陷被執不屈七日
不食死民思其德爲之勒石祀名宦

明

蕭頤洪武二年任遷安知縣草昧之初諸事不舉公首
建學校廟貌巍然諸生絃誦得所人稱其知先務祀

名宦

金彥祥浙江崇德人洪武三年任遷安主簿故元遣將姜文靖內侵攻圍永平祥饋糧不乏及兵迫縣拒守益力事平擢知本縣轉工部主事入祀府縣名宦祠婁大方浙江奉化人儒士洪武七年任撫甯知縣強幹果毅時值草昧因舊鼎新多所建置寇至率吏民避兵於洋河之西兔耳山南遂建縣治經營區畫井然有法寇不爲患士民德之祀名宦

馬負圖山西臨汾人永樂十年任永平知府牧御有方修舉廢墜百姓戴之如父母陞山西布政

永平府志

卷五十一

名宦四

一一

陶安南直隸常熟人永樂中知灤州吏事精敏每農時出郊勸農在任三年境內殷富致仕去民追思之

楊禧順天大興人永樂十年任昌黎知縣課農桑興學校招復逋逃威制屯卒民感其德祀名宦

李文定浙江臨海人進士正統五年任永平知府遇事立辨剛果有爲修建郡學殿堂齋舍及明遠樓皆極壯麗陞福建布政使

楊琚江西泰和人進士天順五年任山海兵部分司公明練達舉錯悉中典型關法自譏察外無少留滯人咸稱便時衛學始建拘行伍子弟充諸生皆以爲厲

已弗樂公雅意作人士習用變

王璽陝西盩厔人進士成化四年任永平知府潔己愛人嘗闢郡學基址奏復夷齊廟請賜額及祀典祭文時論偉之祀名宦

李瀚山西沁水人進士成化十八年任樂亭知縣邑故土城巡撫閻公檄縣瓷以甌更十餘年罔功自閻人汪直啟釁數有邊警人益恐公下車卽修築竣工至今攸賴儒學舊在文廟後湫隘特甚公乃遷於廟左拓前後地數畝宏敞遂與廟稱又鑄祭器育賢才文教蔚然其他惠政不能殫述士民思慕弗替隆慶初

永平府志

卷五十一

名宦四

三

重修城東北隅十餘丈堅鞏異常民不忍撤而止瞻者若召棠焉擢監察御史歷官南京戶部尚書贈太子少保祀名宦

姜鎬河南修武人舉人成化十九年任撫甯知縣恢廓縣治修建學校勤政愛民有去思碑樹儀門外祀名宦

胡憲江南泰和人成化閒任遷安教諭督訓甚嚴嘗夜過號舍察諸生勤讀者勞之否則有罰故篝燈達旦不輟以學在東郭門外請展東城包學宮於城內士民頌之祀名宦

殷衡山東歷城人成化閒任永平訓導學行優長有鄒

魯遺風以三禮誨生徒捐俸置紙筆油燭資之永平

甲第彙征多其教益母性嗜魚板輿迎養值灤水涸

公密禱河水漲魚躍後辟為德莊王審理多所裨益

卒贈禮部尚書兼武英殿大學士入祀名宦淮南王

世貞為文鐫石以紀其德其文云蓋猗蘭困于谷風

陵之在下難振哉有質樾鵠鴉上託狐鼠下族然

得諡為昂霄之雄仁義附於高位余竊甚卑焉迺若

在下而振彌久而聞此非特其所寄殊也厥亦有至

質矣余日者察獄燕趙閒則亡者退而見其父老

其祠類多二千石不則千石亡論其甚往縣邈即

諸儒生難之雅未以舉也於是乎非名實相左謬鑿

能及其身耳目記云稱焉於西地不佞蓋徘徊於

然耶又東游永平永平為古遠乎非名實相左謬鑿

永平府志

卷五十一

名宦四

四

離枝孤竹之封攬先民之遺致庶幾哉有所值而不

果乃其父老諸儒生稍有能言其宦之良者不言

二千石艾廬言殷先非及識殷先生貌作何狀與官所至第吾之而先

以稱哉父老諸儒生何狀與官所至第吾之而先

行及事殷先生始母來說輩臆以故略得之而先

於養母事尤著始母來說輩臆以故略得之而先

生徒繇泥道中扶板輿諸門人徒繇泥道中從

矣母性喜食魚會灤河美而河水旱無魚先生旦

一衣冠河旁拜且禱也何水驟溢得魚取以食母

迨而今鄉之人闕供者輒詫謂兒曰諸女不習殷先

生拜禱也而先生誘誨之以三禮俸為油楮費束脩以上

未嘗不諄諄也永平家挾三禮青紫比費束脩以上

永不自殷先生始余起謝父老諸儒生審如公等言

是不當祠殷先生耶蜀之有文翁蓋天壤相蔽焉大

要前用殷先生法也夫殷先生不翁蓋天壤相蔽焉大

及余卒罷察獄也治兵山東從今國史檢討正甫

游因得聞正甫之先仕嘗至德審理相德莊王有聲

不知其為殷先生也以姓故語及之正甫大驚曰吾
不足以辱先審理後待罪太史則不知先審理之教
永平若是歲餘而永平守紀君使來言其前守李君
為殷先生入祠狀良悉且謂余記之夫二君子其猶
行古之道也夫徵眾公也逮卑義也追遠仁也假令
殷先生妻起為九卿生赫然祠矣烏能歿而脂父老
諸儒生日至今二君子其猶行古之道也然則不難
正甫乎誠不欲令以正甫故揚先人名又詎宜以殷
諱衡武定人後遷濟南李君名遜今為廣提學副使
紀君名公巡
由給事中遷

劉魁山東高唐州人進士成化三年任盧龍知縣廉以
持已能以御事公以存心正以率下秩滿擢御史祀
名宦

李景華南直隸江都人進士成化二十一年任盧龍知

永平府志

卷五十一

名宦四

五

縣治尚廉慈遇事果斷性不事奔競時稱為三代遺
直云祀名宦

喬聰河南河內人舉人成化十年任盧龍知縣寬猛交
濟不以嚴刻厲民不以姑息養奸吏畏民懷擢浙江
衢州府通判人多去後思祀名宦

張愷字元之南直隸無錫人進士宏治二年任山海兵
部分司操持嚴介有冰蘖聲關法舊止驗籍與年公
始稽貌以杜詐偽之弊至今因之其待士惠民外內
一致雖黠詐者亦不忍欺云

黃繡號文卿南直隸靖江人進士宏治五年任山海兵

部分司宅心平恕政尙宜民時關內薪水仰給關外公給木牌懸之出入樵汲甚便公目力過人一見輒識遇面生冒替者卽指摘之卒無敢欺啟閉有常期雖祁寒暑雨及他務叢集亦弗爽代去之日男女夾道遮留車馬至不得行後轉巡遼東再經其地居民猶依依不忍舍云

吳傑南直隸江都人進士宏治七年任永平知府首崇祀典繕治壇壝修葺聖宮灤漆二河船夫歲用千餘人百姓苦之公悉力裁減如制郡舊有志永樂初失之下車訪得一編殘缺舛訛乃屬致仕行人張廷綱

永平府志

卷五十一

名宦四

六

教官吳祺率諸生修之

張濟山西陽曲人舉人宏治九年任遷安知縣時縣殘於兵燹公凡圯穢民爲賦重流離公子惠困窮勞來安集諸廢畢舉尤加意學校九年擢保定府通判祀

名宦

呂鎰字世重山東鄆城人舉人宏治十年任灤州知州輕徭薄賦興學育賢先是灤稅輸邊民多苦之公特建白改運近地灤人至今德之祀名宦

原軒山西陽城人進士宏治十四年任樂亭知縣剛方正直不畏權要篤志愛民屢著異績有古循良風吏

民懷焉歷官都御史

鄧萬斛四川富順人進士宏治十八年任遷安知縣清慎慈愛酌處糧差以均貧富時鎮守中貴熏灼人莫敢撻公獨力拒之一切征求每爲阻抑陞南京大理寺評事祀名宦

何詔浙江山陰人由進士正德二年任永平知府時中貴王宏鎮邊踞視郡邑長吏公獨不往其所誣盜成獄者十有四人竟出之不坐郡有叔殺人而賂見知者移罪于姪獄成且二年公一訊立辨釐宿弊均糧役修學校勤考課聞母艱去百姓皆追送泣別立去

永平府志

卷五十一

名宦四

七

思碑入祠名宦歷官工部尚書

邵鑑河南洛陽人歲貢正德二年任樂亭訓導平易篤實勤督課業訓迪有方士風變焉祀名宦

趙寬山西垣曲人舉人正德四年任樂亭知縣資性方正有執持不事苛察而吏民畏戴有嚴父保母之頌時嬖倖擅權有鷹房闍人繹騷公召而詰之闍倨侮無狀公怒笞焉坐是被逮下獄法官察其枉乃擬贖還職冢宰亟賢之亡何挂冠去祀名宦

羅玉四川南充人進士正德七年任遷安知縣馭吏嚴而待民恕歲旱徒跣禱烈日中乃雨民饑請發通州

倉粟以賑全活者甚眾以才調南直武進民攀號留
之尋遷御史祀名宦

賈奎山西蔚州人監生正德十年任樂亭訓導性行剛
方持守廉潔造士勤敏綽有矩度既歿士類悼之祀
名宦

黃景夔四川酆都人進士正德十六年任山海兵部分
司舊衛守抗與部使敵體公至呈部革之始廷參如
下僚儀地方薦饑舉賑貸興義倉民賴存活者甚眾
禁浮屠巫祝淫祀及燔屍諸惡俗應如桴鼓無敢撓
者衛學舊無廩餼公墾田租給之暇則親爲校課士

永平府志

卷五十一

名宦四

八

風彬彬興起焉

張守陝西涇陽人舉人嘉靖三年任永平同知廉慎愛
民署灤篆舊例草束上京輸場歲費不貲民甚病之
公爲疏請得改派附近倉驛歲省銀十之九建昌營
中貴鎮守惡其不利於己譖以妄奏械繫京師南北
科道交章薦救陞南京刑部員外灤人請祀名宦郡
亦祀焉

趙葉字子玉浙江東陽人進士嘉靖七年以建甯同知
左遷灤州知州勸農捕蝗興學課士陞部郎去士民
思之立碑於道

陸府江南興化人官監生嘉靖九年任灤州州同政聲赫然考最居上第未幾乞休去灤人思之刻像於碑祀名宦

葛守禮山東德平人進士嘉靖十二年任山海兵部分司平生敦禮法謹言笑提躬範物一準古道至取與尤嚴一介關法肅然時典章草昧始行鄉飲禮風勵耆德創立養濟院著爲令惇獨賴之

張倫山西沁水人歲貢嘉靖十五年任山海衛訓導提躬嚴整博學善誨立訓以聖賢心身正大爲詞不瑣瑣章句閒就業諸生毋敢惰者

永平府志

卷五十一

名宦四

九

徐州雲南楊林所人舉人嘉靖二十年任遷安知縣廉介自守惠愛元元興學課士有古循吏風
文世英廣西護衛人舉人嘉靖二十二年任昌黎知縣多惠政民皆感戴陞保安知州祀名宦

楊鳳陽南直隸宿州人貢生嘉靖二十二年任樂亭知縣先是邑八年逋負未完公至嘆曰非獨小民罪也咎在催者索收者侵督者徒鞭箠之奈何不逋乃盡革諸弊酌緩急從便宜力絕奇羨於是百姓樂輸流者歸業邑無逋負自茲始廟學繕於成化閒圯甚盡撤而重建之時有羣盜獄具解府府胥泥案累及無

辜郡逮拷訊欲置重罪爲白其冤獲釋竟爲人所陷
罷官去士民追隨歎息有泣下者

陳士元湖廣應城人由進士嘉靖二十四年任灤州知
州建名宦鄉賢祠造祭器修倉賑濟增修灤志以備

百年文獻

張玘山西石州人進士嘉靖二十五年任永平知府下
車卽釐剔宿弊凡有不便於民者悉力除之置脂膏
簿頒示屬吏無敢擾民立孤竹書院以風勵士類集
文行優者肄業於中拓夷齊故城修舉如制祠成編
志畀守祠者世守之陞酒泉兵備尋轉薊門巡撫祀

永平府志

卷五十一

名宦四

十

名宦

韋文英陝西涇陽人舉人嘉靖二十六年任遷安知縣
發奸摘伏愛民作土鹽鹽不倦陞本府通判卒於官
祀名宦

吳宜山東濱州人歲貢嘉靖二十六年自遷安訓導陞
任撫甯教諭言坊行表士子矜式捐俸置買學田三
十畝以賑貧生有碑記之祀名宦

任逮南直隸蕭縣人監生嘉靖二十六年任樂亭縣丞
家居孝親親終廬於墓側及佐邑政專慈惠而性尤
介直士人謂其孝慈無愧聖訓云

張璜廣東海豐人舉人嘉靖二十八年任灤州知州修

養濟院治橋梁疏灤河濬濠渠環城植柳士民追思

崇祀名宦

李希洛山西太原人進士嘉靖三十三年任昌黎知縣

文章政事濯濯炳著陞給事中祀名宦

呂鴻山西陽曲人舉人嘉靖三十二年知樂亭縣事賦

性寬厚蒞政慈祥有如保母教授陞府同知

明樂亭王好問贈呂明府西河序云余嘗深思化理之原治內之臣孰有要於輔理者乎治外之臣孰有要於守令者乎輔理之要在於格心納忠使內外輯禎祥見而咎疹息為國而得良相焉則功德施於人而國無有不定者矣守令之職在於愛民利物使上下相安膏澤流而暴戾不作治民而得良牧焉則

永平府志

卷五十一

名宦四

十一

豈弟孚於人而治無不興者矣宰臣之賢否係天下之理亂是未可易議者守令之係於天下國家也當今聖明御世純心用賢所以建官而任相者蓋已得其理矣至於守令之臣所以承流而宣化者其果昭明而罔不肖者乎其果澄清而罔溷濁者乎其果昭明而罔不肖者乎其果澄清而黜陟之者是在憲臣而已矣若黷貨之吏飾威以陵下雖殺人不恤而貪冒之吏黷貨之吏飾威則民而不惜也夫吏風之敝其端不窮而此二者則尤國之蠹而民之賊也然其智詐之術足以罔上籠絡之計足以愚下固有其責不逃也上負於國內有人非不可坊也幽有鬼責不可逃也西河公以君子長者來視我樂亭之政宅心以誠律己以廉其事上以禮而無所諛悅其待下以恩而無所姑息與百姓相安於無事矜其能而擾其所為蓋公之愛民如赤子而民之愛公如父母矣亭舊域孤竹之疆禮讓明東南為溟海之濱民尤野樸易治近有蒞此士也顯顯肅肅不僭不戕有古循良風期年之

閒故風息而夙美彰士厲廉退民從儉確雖婦人女子亦知以節義自重而不為欲惡所動者何也斯民也三代之民也而又得公賢良以洗濯而融之其入於善也宜矣使天下之為郡縣者皆公之所以為人天下之任守令者皆公之所以為心積之以歲月加之可以勸厲優游厭飫以俟其化則風俗可同禮樂可興可以召和氣可以培國脈而吏風之敝無所奸於其間矣獨惜乎人心之不盡同賢良之不易得也余野直喜談天下事無所畏避以公之可與言也故敢因其端而竟其說至於經綸孚化之道思將以相人之說為執政者告焉公愛民者也推其所以愛民者而致君諒非無術者矣苟有以教我而俾得以愛民其說焉則公之德又將及於天下矣固余之所願聞也公名鴻字時漸以賢科來尹是邦而憲臣之旌薦屢及可謂名當其實者矣

茲余卽其事而書之云

陳綰浙江上虞人進士嘉靖三十五年任山海兵部分

司才氣倜儻熟諳邊務下筆數千言立就按之皆中利

永平府志

卷五十一

名宦四

十一

害切時艱如守邊賑荒諸論薊遼大吏俱屈服時關東西大饑公疏通關政煮粥舖之民賴全活者甚眾温景葵字汝陽號三山山西太原人嘉靖三十九年仕永平道創制籌畫精密周詳蒞任四年練兵裕餉事愜人心立糴貯法以厚農立入倉法以蘇商立稽運法以清支設徑解惜薪司法以全活衛職修諸營寨城堡新郡城樓七座約束軍衛寬嚴相濟居民賴以安枕又遴入庠之士館之孤竹書院聘師豐廩嚴課鼓舞癸亥之變總兵陣歿督撫重譴朝議以公夙望特授都御史巡撫順天

商誥山東平原人進士嘉靖四十一年任山海兵部分
司壬戌歲邊敵數千薄關東鄉民奔避如蟻議者請
閉關公曰是棄萬人命矣開門納之少頃敵攻旱門
關甚急公登陴親巡指揮方略勵將士拒堵敵竟遁
去事聞被賚加秩尋遷薊州兵備

韓應春山東茌平人舉人嘉靖四十一年任灤州知州
樸茂廉明釋誣坐軍四十八人灤民懷之立祠撰碑
祀名宦

楚孔生山東曹州人舉人嘉靖四十一年任昌黎知縣
清操雅量惠政多端泣任五年士民感戴以縣無志

永平府志

卷五十一

名宦四

十二

屬教諭楊志高草之灤州學正梁桂臣修飾焉

廖逢節河南固始人進士嘉靖四十三年任永平知府
設立木鐸自府治達閭巷晨昏以六諭號詔之有崇
古化民之意時左道盛行結眾釀亂公罪其倡首者
眾始解散其自奉衣不羅綺食不兼味設義倉編保
甲立鄉約勤蒙養息訟緩征與民休息泣任三年芝
產後庭陞山西副使

樂亭王好問送太守廖公序云春泉廖公守平灤之
三年吏治民和克當聖意乃晉擢憲大夫節鎮雲朔
命既下邑大夫宋詣余而詞曰太守廖公視政吾平
久矣育民如子治民之事如家休養節縮思罔不周
至於創制作法防奸燭微有經有術羣下畏服殆若
神明利興而敝革郡縣下吏依戴即嚴親而嚮承爲

明師式刑所存庶幾自治今其行矣吾何怙乎先生
其有言先是公承新命平諸大夫士僉以文屬善
已諾矣夫詞煩則支再則謀不昌言則拜而彰善
曰言畏多善言宜詳古之聖人聞昌言則拜而彰善
錫類亦先生所期也又何辭余為之喟然曰賢哉
大夫其親上之誠而未知德之深者乎遂作而言曰軻
氏云以善服人者未大也夫一人善也則善養人然
能服天下信夫今之士大夫持一善焉則恐人然後
人有同而無以擅其能也然私心所存終鮮允臧祇
見其狹且陋矣公仁厚正直吏事開諭斷之以義而
不遺乎法務使民受其福而政無所蠹郡吏所以為
畔於理亦兢兢然畏其愆責而急於改新至於善有
可擇於藝有可競於名則虛心探察而無所施而福及
此心也豈直守一郡鎮一路澤有所長而天下之技
耶古之明相道者斷斷休休若無所施而福及
能猷謀萬有不窮悉為所用以究其業而成其大辟
之泰山萬仞不見其崇而諸峯之環列其所宗滄
海九淵莫測其深而百川之流注悉其所受是用功
加社稷澤及億兆旂常紀其烈而子孫蒙其庇稽諸

永平府志

卷五十一

名宦四

十四

往古固歷歷可鑒也其不類者反是故考人者不專
於才而取其德不量其能而觀其度非以名位言也
卽公之才猷而得猷猷之蘊蓄其功業豈易究耶我皇
軫念邊務期得壯猷悍之臣與圖大計宣詔有歸則公
其人也或曰邊人驚成習長上多籠絡之計故積
弊日深而法紀隳公明察或非所宜余曰是大大不然
夫事興於恆功隳於罔誠致飾於聲音笑貌之間而
實不足於孚之人心所以離也公嚴斷之中而一
德不回漸摩之久則人之與雷雨神鑿其誠和順所積
妖孽不生彼龍躍重霧而雷震迅虎嘯崇阿而風
飄飄弗翹翹狐狸將恐懼潛伏隕死滅迹矣其何能
爲詩曰神之聽之式穀以女與正直也其在是乎大
夫曰然先生其知公者請志之遂
次第其詞以爲公賀且以言別

段廷晏山西太原人監生嘉靖四十三年任撫甯知縣
誠樸剛直行所無事士民愛之去之日行李一肩士

民攀送流涕載道

程鳴伊字希正號消溟山東安邱人進士嘉靖四十四年任戶部分司勅立永豐倉廩修建衙署助糧以修學宮捐俸以恤寒士陞山西大同知府晉太僕寺卿陳良輔山東莒州人舉人嘉靖四十五年任昌黎知縣巨寇薄城公與民死守城池獲全後被誣謫官昌民立祠祀之

徐楨南直隸長洲人進士嘉靖中任刑部郎中忤分宜相左遷灤州知州值歲饑民多流移楨善於撫綏民爲復業教之孝弟力田期年倉廩實學校興

李臣河南獲嘉人嘉靖閒任遷安教諭正直剛毅師弟閒諄諄訓迪恩義兼盡卒於任士哀慕之祀名宦

葉宗蔭浙江遂昌人廣西儀衛籍舉人嘉靖閒任撫甯知縣興利除害一境肅然致仕去士民攀送涕泣如失怙恃

李英江西饒州人歲貢嘉靖閒任山海衛教授潛心聖賢之學每事務躬行實踐期可盟幽獨尤以師道自任教人不專事舉子業對諸生燕坐談理道辨義利諄諄不倦徒輩有能厚人倫尙義舉者獎進不實口後聞兄訃哀毀踰禮見者感泣因觸時政竟棄官歸當時與胡敬齋先生齊名西江至今推理學必曰胡

李云

李邦佐河南陳留人進士隆慶元年任樂亭知縣時值多事公修繕城池高厚倍昔增四門月城各置鐵棧樓櫓敵臺簡募丁壯製造火器民恃以無恐性彊直無阿徇剖斷如流除奸若刈一方戴爲神君擢禮科給事中去後邑人立祠合前令李瀚祀之

楊兆字夢鏡號晴川陝西膚施人隆慶三年任永平道爲政平和近人撫恤瘡痍作興學校凡坊表署額皆出其筆陞都御史巡撫順天

趙雲翔山東平陰人進士隆慶三年任遷安知縣性稟

永平府志

卷五十一

名宦四

十六

剛直心存愷悌公正廉明動合禮祀名宦

許守謙字子受號益齋直隸藁城人進士隆慶四年任戶部分司嘉靖時充商者悉蕩產賠糴後誣坐侵欺充戍四十餘人公力爲辯豁人皆戴之歷兵部

孫應元號華山湖廣鍾祥人

一作承天衛人

進士隆慶四年任

永平道時坐商糴餉罄資賠補猶擬遠戍公力白當道宥誣坐土商戍邊者四十餘家永人世尸祝之調恤貧士加意學校至巡視邊徼不憚險阻皆公自檢覈力除虛冒軍衛斂手牙儉裹足其剛介精敏如此初爲山海兵部分司南北敵臺皆其所建萬曆五年

陞山西巡撫

宋豸字思直號直庵直隸容城人進士隆慶五年任戶部分司時議蠲商未決公知應者苦逐一蠲之陞汝甯知府至運使

張彝訓山東甯陽人進士隆慶五年任撫甯知縣栽培學校惠愛羣黎士民感德立碑于西門甕城

劉邦彥湖廣龍陽人舉人隆慶閒任樂亭教諭學問宏邃志行端方以行誼作人經術迪士戒浮薄釐陋習一事不苟學者翕然嚮風陞高邑知縣歷大理寺寺正

永平府志

卷五十一

名宦四

十七

顧袞浙江餘姚人由進士萬曆二年任永平知府歷事精明公文不假胥吏手聽斷獄訟一見即決庭無留繫盡革贖鍰等弊時各衙門僱差驛遞僱役為時大累公嚴禁止之一時吏治肅然

樂亭王好問送太守觀山顧公遷憲臬序云漢史紀循吏甚詳不具其異能而取其宜民自後世視之其行事之實若非甚高而難繼者然其聲烈之美先揚簡策風澤之遠旁施累世如崇山大壑其勢不可踰其利不可窮也何其偉哉乃若巧吏之在天下或任法以畜威而令無不行或運術以馭物而人莫可測剖理發摘鋪校變化周旋轉移之間事既集而名亦起飄忽起伏隱微之機風雨不足喻其疾鬼神不足喻其深也彼其自待之厚亦以為吾威可以懾天下吾術可以愚天下而一時功名之士染指於旁觀者亦以為當世有若人可大有道其出本諸誠違天不至教其端本諸天君子有大道其出本諸誠違天不至

祥去誠無物故術愈多而智愈窮事愈巧而功愈墜
吏風之敝職此之由自昔有明監也以余觀於觀山
公豈不誠循吏哉昔聞其語今見其人矣蓋公之秉
心以仁故物無不愛其運治以心故物無不孚其議
獄也務寬厚而薄深文故民和而訟息其臨下也
貴簡直而惡苛求故法行而人不犯也至於廉立之節
如貞女飭身鳴璜百結而宵不堂也孤介之操如
烈士伏節而剛忠百折氣不可奪也治郡數年凡出
一言行一事究其始終表裏皆合曾未見其或欺宜
其言出而人信風行而化速如此昔具廣州飲甘泉
而懷二賢有所感也今公所守土即夷齊封故曠
世之感視昔人尤深之公世家姚江為古今文獻之國
故聞道之早得先哲之宗巍巍疑疑下視巧吏何異
日月麗天高朗光潔而燭火微芒皆虛焰矣軻氏疑
武成不欲盡信吾不知循吏之在當時真能如所傳
否耶真能如我公否耶方今聖明御極體道法天遵
王軌而賤霸術急賢興理寤寐日勤公執憲畿方密
邇九重風猷必有所啓沃以天道而廣皇德以至誠而
逾信宿公必有所啓沃以天道而廣皇德以至誠而
運化樞育物元和參合無間明主將純心任之治本

永平府志

卷五十二

名宦四

十八

既端吏風自淑義農之基緒益隆黃虞之登閣可媿
公之功德又將與岳相並名太史氏將特書之余復
何言哉余復何言哉

馮露河南襄城人進士萬曆四年自樂亭調遷安知縣

廉明仁恕實惠及民申請減免永平等衛徭銀民為

立石祀名宦

喬學詩山東東阿人進士萬曆五年任永平推官嚴明

整肅人不能欺屬邑有匿官解銀數千金以虛批應

查數年罔覺公一見發之衛官徵收徭銀耗重貧苦

無告公建議令輸納於各衛首領允為良法行取補

刑部主事

吳應選陝西會甯人舉人萬曆五年任昌黎知縣清慎
居官真誠待物政通法理允孚民心陞京府通判歷
知府有專祠

任鎧山西平定州人舉人萬曆六年任永平知府時料
丈田地公以小民無知十止報九當罪者眾乃新製
步弓比舊暗增五寸俾執以度地視前丈分數相合
眾俱免辜存心寬厚御下不尚鞭笞時論稱爲仁厚
長者建南門樓憑虛閣陞甯夏副使

陳名華字誠甫號章閣福建晉江人進士萬曆九年任
戶部分司申明不用土商之令客兵屯海上擾民請

永平府志

卷五十一

名宦四

十九

撤之士民立石以頌二十三年調禮部主客司郎中
白夏江南潁州人舉人萬曆九年任遷安知縣縣無志
聞邑人王之衡有草遂屬焉又清丈田畝以清賦役
百姓感服陞山西汾州府知府祀名宦

王邦俊陝西鄜州人進士萬曆十年任山海兵部分司
廉靜端嚴寡言笑時關法亟嚴十餘日始啟民出入
頗不便公慨復舊制請建東羅城修理樓堞至今攸
賴

雷應時山西芮城人舉人萬曆十一年任撫甯知縣耿
介端方不事韋脂修輯縣志課民織紡有實惠及民

保留加通判銜治政九載邊邑晏然有古循吏風
馬瀚如字紆之號抱白河南陳留人進士萬曆十三年
任戶部分司時郡歲租甚鈔議僉商糴買以實倉庾
咸鬻產爲避計公如廣開中法令鹽商輸粟各倉不
用土著而僉商之議始寢人皆德之

葉夢熊字男兆號龍塘廣東歸善人進士萬曆十三年
任永平道政尙寬平豁達而持大體時守臺南兵欲
爲亂公設法撫定之聘舊門下生郭造卿修府志以
備一方文獻陞山東按察司

沈之唵浙江烏程人進士萬曆十三年任永平推官扶
持義類綽有仔肩丁亥水災縛筏拯溺散粟賑濟生
全甚眾督修城垣增下水關甕城勦南關明灤門一
時才猷肆應當事偉之擢南京給事

張元慶浙江山陰人舉人萬曆十四年任灤州知州有
異政夜宿古冶寺女鬼韓氏訴奸僧妙存淫殺狀詰
朝捕治伏罪又嘗預識河決囊土塞城門不浸者三
板歲饑賑粥全活萬人

陳維城山東邳縣人進士萬曆十五年任永平知府操
守廉清衣履若寒士衛餘僉大戶徵收立致罄產公
決議以收納事盡責各衛首領著爲令甲衛餘得甦

陞山西赤城道副使

潘敦復字彥恆山東夏津人進士萬曆十八年任樂亭知縣爲政不事催科首崇撫字簡練鄉兵以備城守修葺學宮建設倉廩邑無專志公纂輯二百餘年故實遂成一代文獻陞山西大同知府

楊鎬號滄宇河南商邱人進士萬曆二十年任永平道才猷揮霍風采洒然舊例石門產煤縣輦送道府各署以供官用里民輓運絡繹苦累不支公至力禁之熟諳邊務下筆數千言立就按之皆中肯要遷遼東參議尋陞經略尙書都御史

永平府志

卷五十一

名宦四

二十一

王袞山東陽穀人舉人萬曆二十年任盧龍知縣性坦易才敏決并櫃以省收頭俵馬市之都門免貼銀賠累之苦倭警將籍民爲兵遠近駭竄公力陳當道更爲召募應者立集六屬安堵陞陝西耀州知州
馮恩山西代州人舉人萬曆二十年任昌黎知縣廉以持躬勤以任事營建鼓樓修築月城通北門置北關增棧房濬棠泉士民思之崇正十五年崇祀名宦
劉從仁山西解州人貢生萬曆二十一年任灤州知州威惠並宣庭無留訟繕城濬濠修學宮造祭器不踰年百廢俱興時稱循卓

張時顯江西南城人進士萬曆二十三年任山海兵部
分司長于治才精覈整肅重修關志學識瞻雅時征
倭總兵陳璘幕下鼓譟賴公撫定一宇獲甯

張堯輔陝西宜川人舉人萬曆二十三年任灤州知州
性耿直愛民如子以巖誣去公論惜之撰去思碑

徐準山東新城人進士萬曆二十四年任永平知府才
幹精明臨事爽快時倭警方熾海防單弱公請兵二
千防海一時恃以無恐倭平仍申文撤之又奉調征
倭兵十萬由永渡遼供需飛輓增派丁銀倭平悉飛
告減復如舊六屬歡呼至條議河工利害曲折詳盡

永平府志

卷五十一

名宦四

二十一

遇事敢爲屹然莫奪朝議以公長才加河南按察司
副使二十七年陞遼東海蓋道山西參政

定興鹿伯順贈恆山徐君擢守永平序云恆山徐君
以永平佐管經略出納事年餘聲實徹中外擢守永
平余幕中聞報呼同舍培亭獻孺星海酌酒慶也培
亭答余曰子不知愛官爵并冷淡他人之遷除曾未
見一啓事上子眉何今日躍躍也余曰他人遷除他
人之利也徐君保障永平躍躍也余曰他人遷除他
利之且他人遷除營而得之其意中物也徐君盡瘁
於出納而全不逢上意金錢粟米無分毫升合不從
雪腸中清頭緒又無不從強項中留膏脂餘金竟作
正支餘米且爲饑民粥是何曾一計及於上官之知
我罪我天下豈有奇能無快與孺笑謂是固然矣
不夢而得乃見義動以不求人知爲足色向
而子居恆稱引閻然之拙於求子固謂徐君始
對子談徐君苦節而惜其拙於求子固謂徐君始
終一節榮於一歲三遷今乃動色於擢守也利乎固
在爲矛盾矣余曰有是言也聞爲善之利乎固

利則善雜絕利則善枯君子之學固與生人之趣相
御而行誰不知一善官下絕去榮進之為純忠然不
到此地不見英雄本色而必使到此地為人知一路而
滔滔者天下皆是也有一人焉走不求人知一徐
果無人之寂寂遺笑是助滔者而揚其波也徐
君之擢使人謂天與善人為善者不枯非世道之大
幸與獻孺曰若不與善人乃先使困抑幾不自存前
天既與善何不合下與之乃先使困抑幾不自存前
此實掠虎鬣不葬虎腹屬有暗銷使無今日之知遇
醜之政如魚之肆矣余曰是氣又不然子以知子者為
幾索於枯魚之肆矣余曰是氣又不然子以知子者為
天命不知者非耶天體直而窮人之情事理之變態以
之命乾坤且幾乎毀至於窮人之情事理之變態以
發而開絕處之生江河以百折而現必東之羊腸以九
折而開絕處之生江河以百折而現必東之羊腸以九
然人為甚說在乎孟子之論之術巧可歷所不能窮
之意可一言而盡也至於與之術巧可歷所不能窮
千古英雄總受顛倒於此中影具在可覆視也微
獨古英即君刺易州於此中影具在可覆視也微
清石見讀直指王君推轂語同調者覺乾坤之朗及

永平府志

卷五十一

名宦四

抵山海後先迕合狀復類是余又以從師相行間再
睹其事兩地影樣若自為臨摹者師相為前吏茲土
者往往以賅敗而藉口於上官之多兩姑間難為婦
也特拔一介挺者風之信斯言也君竟以不求知者
受知非天也耶吾輩但患善不真莫患天不與其困
抑於不見知之時而節不渝乃其顯庸於見知之時
而色不愧雖然到徐君躍之時而徐君而外則仍有不
不羨遷除之舊眼在三君躍也徐君而徐君之同堂
友李周兩君持絹來求所以贈徐君者因銓次前語
之以授

葉世英字春谷廣甯衛籍浙江甯波人進士萬曆二十
四年任盧龍知縣明敏個儻有應變才二十六年奉
調征倭廣兵五千譟變於山海公單騎陳以大義悉
撫定之內三衛編徭例屬附郭縣官審定之訪役詆

欺衛弁率意報徭驟減驟增駭愚啟倖爲時大害公先期諭衆革除前弊令各戶自平一時承應如流六屬咸取法焉尤屬意學宮建魁星閣於埤上樹平臨北斗坊遷兵部主事

雷聲山東禹城人舉人萬曆二十四年任遷安知縣涖任不受里遞導行例金革步快懲市豪清算經費以足歲支酌議公解俵馬以省各社遞馬銀併東塞中伙之費遷有渡灤橋每秋賦民草束木架甚夥公令民遇夏折收所省不貲初下車卽摘發部民殺弟事奸胥斂跡編審徭役不避權勢卒于官士民哀思請

永平府志

卷五十一

名宦四

二十四

人名宦

王象恆山東新城人進士萬曆二十八年任盧龍知縣性廉潔多惠愛甲辰值灤漆漲溢郭內行舟歲饑流民載道公開倉賑粥全活甚衆學宮傾圮設法修葺士民咸稱頌之

來儼然陝西三原人進士萬曆二十九年任山海兵部分司端重嚴整時稅璫高淮煽虐以厚幣餽遺盡卻之出入不與偕至有害於民力爲解釋淮亦畏其清鯁不敢縱惡任未久卒於官士民痛之西羅城外龍王廟後建有專祠

孫慈湖廣蘄水人舉人萬曆三十四年任灤州知州墾
荒田抑強暴裁冗費革浮役去後士民思之立祠撰
碑

趙紱號懷東山西樂平人進士萬曆三十五年任盧龍
知縣實心爲政勤儉自勵徵收弗遣役滋擾與民約
四仲受輸無後期者聽訟平允不爲緩罰歲饑賑粟
全活無算編審僉富家應役以甦貧民人咸悅服擢
御史

吳望岱前令應選子舉人萬曆三十五年任昌黎知縣
吏治精明斷獄敏辨父子繼任昌黎人以比傅僧祐

永平府志

卷五十一

名宦四

二十五

畢元寶元累官南戶部郎中

邵可立陝西商州人進士萬曆三十六年任山海兵部
分司廉直剛斷加意人文建文昌書院購古今遺書
充之俊彥鼓篋其中一時稱盛值歲饑令屯官清絕
產置牛具分給婚不舉者衛有布化之施貧不葬者
普濟會有棺木之給賞三劾貂璫四減關稅修鎮東
樓工師苦無大木忽海上浮若干至及落成無贏餘
者亢陽不雨公三禱三應忠清正直格于神祇時咸
嘆異之

張廷拱福建同安人進士萬曆四十年任遷安知縣優

禮學校均平徭役奸胥積猾禁革一空秩滿行取士
民遮留泣送如赤子之離父母爲立生祠於南關祀
之歷官僉都御史

王臺字古栢山東臨清人舉人萬曆四十三年任撫甯
知縣敷政甯人籌邊足國捐俸創建雲從書院課士
不倦有生祠碑記

楊于陞四川劍州人舉人萬曆四十四年任昌黎知縣
撫民訓士補缺興廢文學吏治兩擅其美重修邑志
筆削簡當陞廣西鬱林知州遷雲南武定府同知死
節

永平府志

卷五十一

名宦四

二十六

孫止孝山東歷城人進士萬曆四十五年任盧龍知縣
勞心撫字持已潔清且英毅有遠略時值多事創立
射會練習鄉勇以備緩急尤作興斯文歲時督課設
立賞格以示鼓舞崇祀名宦

劉澤深字警圖河南扶溝人進士萬曆四十六年任永
平道治政剛決不容奸僞人無敢干以私其所興除
皆大利大害陞湖廣參政祀名宦

陳所立字如有福建長樂人舉人天啟二年任永平知
府性嗜經術甫下車卽於府治後建立書院以清聖
主於中政暇集諸生講論文義終日不倦其文行俱

優者格外禮遇之每歲暮各給膏火炭貲以勵其學
諸生益奮北郭外淝漆二水潑匯夏秋漲輒齧城趾
公設法自拱辰門至菊花臺橫築甃隄里許障之今
遺趾尚在著有北平詩賦諸集

王四維山西河曲人貢士天啟二年任遷安知縣勤敏
寬厚禮士愛民舊例歲派車馬楨三役里胥詐害無
窮民間苦累公剔除積弊僉派均平陞涿州知州民
思慕不忘爲立生祠於縣東祀之

陳祖苞浙江海鹽人進士天啟五年任山海兵部分司
公一日坐堂上忽有羸自關外闖入向堂長鳴公命
人尾之至一家直入掘地得屍廉其圖財致命狀抵
罪又四人失路引回關中官欲以奸細論公持不可
得放歸以此致忤罷去東門甕城關帝廟左建專祠
肖像後復起歷順天巡撫

羅成功廣東高要人舉人天啟六年任永平推官崇正
三年永城不守公慷慨盡節視死如歸事平立坊表
之仍從祀武廟表忠祠

張鳳奇山西陽曲人舉人崇正元年任永平知府涖任
初值羽檄交馳軍需旁午公修補廢壘設備芻糧爲
固圉計二年己巳冬永平戒嚴公悉心捐募鼓勵軍

士又出庫銀以餉鄉勇三年庚午永城不守公盡出
所有散諸行市及輿隸乃仰藥而死夫人闔門雉經
事平贈光祿寺卿從祀名宦并武廟表忠祠

楊熾貴州銅仁人舉人崇正元年任灤州知州庚午

大清兵克永平州人李際春以城降士民驚竄公拔刀
自刎予贈蔭專祠

李鳳翥字瑞徵江西樂安人舉人崇正元年任樂亭知
縣才裕性果加惠瑩氓值

皇清兵下永平公鼓舞士民多方捍禦援兵抵邑應付
有方因忤當道排擠之士民爭先保舉不得立石頌

永平府志

卷五十一

名宦四

二十八

之祀名宦

左應選山西榆次人舉人崇正二年任昌黎縣知縣甫
三日卽城守戒嚴庚午正月

皇清兵下永平灤遷俱陷大兵攻圍昌黎八晝夜公誓
死勵眾百計守禦遣人突圍密約樂亭死守以通京
師山海之路賴以全城又滅白蓮教數千人於雲峯
寺以功加按察司僉事

陳昌言號道莊山西澤州人甲戌進士崇正八年任樂
亭知縣時國事叢脞綏輯有方民用不擾十三年行
取民爲勒碑崇祀名宦

趙允植遼陽人崇正二年任盧龍教諭品行端方勤於
訓士凡其誘誨啟迪必以忠孝行誼爲先值庚午兵
燹與妻欽氏暨女同死祀名宦

宋坤遼東人歲貢崇正二年任撫甯訓導時值兵警賴
公調戢兵民地方保全

楊嗣昌號文弱湖廣武陵人進士崇正三年任山石道
將佐懍如神君癸酉晉山海巡撫築南北兩翼城以
固疆域刊鄉約化民書令有司師生朔望講讀以正
風俗捐俸建學宮廓然改觀經始甫竣以遷秩去後
爲山海巡撫至今山海士子猶頌德弗諼

永平府志

卷五十一

名宦四

二十九

韓國植陝西涇陽人進士崇正四年任永平推官郡當
殘破之餘土著稀少人文寥落士氣衰靡公查府治
後已廢孤竹書院捐俸修飭延請有文行者董厥事
鳩民間子弟肄業其中以東郊外營房隙地九十三
畝爲學俸永平至今食其福利云

余爵字天有河南禹州人進士崇正四年任撫甯知縣
長才臥理百姓安堵釐奸剔弊吏胥畏服歷兵部職
方司監軍征寇殉難贈太僕寺少卿諡忠壯

劉景曜號嵩曙河南登封人進士崇正六年任永平道
賦性正直不輕言笑時中官奉使閱兵有總監總督

監視欽授等名橫甚稍弗遂意輒奏行逮治公獨不往謁疏揭凡七上時稱敢言察邊閱操例兵備伺陪以屬禮見公乘肩輿直至演武中堂總監出幄迎以賓禮會公猶抗言不稍假以顏色永鎮各邊將士得免橫索凌鑠皆公力也督師孫公傳庭奉命赴山海監視倚上方劍縱護衛兵不守紀律聲勢赫然所過地方民爭趨避公館之郭外不令一騎入城行糧自陣上運給之孫公怒提協將知縣鄉總欲置以法公不爲禮事旋解城中得免糜爛永人德之陞山東巡撫所著有嵩山文集及北平名景諸書

張若麒山東膠州人進士崇正七年任盧龍知縣果達明爽案無積牘革除僉派民役收納之累立櫃書收受至今便之秩滿行取

馬孔健河南陳留人進士崇正十年任盧龍知縣當兵燹餘勸農興學固圉安民己卯畿東告警督師孫公傳庭休兵永平欲入城郡民駭甚公設館城外請督師禁兵無入民賴以安被難男女千餘人給資歸之病者養之庚辰臺司檄縣運糧十萬石至遼民大困公條議令衛卒營兵協力遞運刻期竣役里中子投充椒戚橫噬小民公實諸法不貸有巨族兄弟訟家

產公閉閣引咎數日不視事兩造慚謝和好如初後
爭以重賂酬德抗顏卻之其持正惠民如此擢御史
杜宏字騰江保定定興人歲貢崇正十年任撫甯教諭
行誼端方學問淵博誨人傲胡文定教條起衰式靡
一時士風丕變庠弟子至今宗仰之

范志完河南虞城人進士崇正十二年任山石道公多
材藝任事三年百廢俱舉峻城濬池寬徭飭驛鼓舞
行伍作興學校崇秩祀獎節孝救荒恤困一時政治
爲之改觀陞山西巡撫擢總督

彭份字洗存江西南昌人舉人崇正十三年任永平知

永平府志

卷五十一

名宦四

三十一

府下車約法三章懸鑼中門有冤抑者任其不時申
訴築敵臺以固東圍修泊岸以障西河前官遺逋累
公鐫級者六矣終不遣一騎以督各屬歲稔蝗不入
境永人有秋盡數年逋欠爭相效輸得盡復所鐫級
修葺府縣學宮不擾民間庚辰大饑流民萬計趨永
僵仆載道公措施衣粥爲暖舍以居之所全活甚眾
車騎營兵乘夜鼓譟公戒守柵扼巷始開門擊之譟
兵以無內應宵遁城中得免屠掠時服其才大而識
高云陞貴州道副使

高承珽字寓公浙江秀水人進士崇正十三年任遷安

知縣清惠明敏力行修練儲備四事加意養士人文蔚起民疊遇兵荒多轉徙公至先務賑饑全活數千人招撫流移省刑緩征聞風復業者千七百戶漕船守凍天津檄州縣陸運津糧至遼東前屯衛遷邑派運四千石公力請減半念赴津道遠聽民墊運抵明年應納屯糧或至山海關買運前屯省費萬計豪強投獻勳戚稱四姓佃戶久厲民公鋤抑之皆投牒歸其原里社奸民投兵抗糧公攝治渠魁誠各營路督逋賦無少貸開墾楊家店等處荒地三千八百餘畝捐俸修城數十丈不費民錢調繁寶坻縣兩地並有

永平府志

卷五十一

名宦四

三十一

去思碑

劉濬源山東曹州人進士崇正十四年任盧龍知縣性介操清馳任無行裝止挾一布被於輿中服不衣帛日用惟供蔬菜一束時出巡行預備餅數枚自給於當道毫無餉遺聽訟執法雖勢力者不能干以私永人以趙清獻頌之

朱國梓字鄧林前屯衛人總鎮朱梅子選貢生崇正十六年任永平道操持耿介治政剛方慎重精明屏除陋習甲申春逆闖陷京將薄永郡公赴關與總鎮舉義拒寇值

國朝大兵埽蕩寇氛公卽奉母石門高隱以終先任關門主事簡靜不苛建且止亭於關外以爲候關內舍至今稱便

以上文秩舊志

王整羽林前衛人正統八年任山海衛守備沈毅有謀長於幹濟山海設守官自此始前此治尙草創規制未備公至次第興舉凡學廟樓櫓及廨舍之屬多所增建撫士馭下寬而有體民畏而愛之

申甯沂州衛人宏治中爲山海衛守備安靜不擾地方德之陞山東都司以廉勤勒石於石門路之彰善碑王守道遼東左屯衛都指揮萬曆十一年任山海路參

永平府志

卷五十一

名宦四

三十三

將十二年九月敵侵甯前公率本路並延綏兵東援遇敵卻之十月敵復合兵夜半直逼關門公同延綏將杭大才中軍盛莊列營城東血戰竟日敵失利退去有全城之功

朱洪範京衛指揮武進士萬曆三十年任山海路參將才品優長儀表出眾整飭營伍任用賢能時值稅監擅權公曲護地方得免荼毒且長於吟咏有樽俎折衝之概當年推爲儒將

劉渠號雙泉順天人萬曆四十七年總鎮山海體貌魁岸武藝優長而性情儒雅愛士禮賢嚴禁官價不致

擾民有古良將風遷鎮廣甯臨陣竟以身殉

案明史羅一賢

傳劉渠京城巡捕副將也以御史楊鶴薦擢三屯營總兵官援剿遼東戰歿

唐之靖浙江山陰人會舉第二崇正元年任武學科正

三年庚午

大清兵下永平公先令闔家俱焚因謂左右曰吾死之後亦焚吾屍遂西向再拜自縊從容就義大節昭然

祀武廟忠烈祠

程應琦浙江山陰人三科武舉崇正元年任永平道標中軍都司沈毅英發有應變才庚午永城不守公挺戈巷戰事不濟拔所佩刀自刎不死令家丁斷頭眾

永平府志

卷五十一

名宦四

三十四

皆涕泣勸慰公豎髮裂眦復起自殺事平立坊表之祀武廟忠烈祠

朱梅號海峯遼東前屯衛人崇正三年總鎮山海厚重渾樸御事精詳先是值廣甯失守邊人要賞士民震駭當事難之時公爲裨將慨然自任出撫於關東八里鋪讐以威靈綏以恩信眾皆帖服羅拜而去關門安堵至招降丁活難民墾地築垣種種著績適遼兵潰還至關公匹馬獨前宣布恩威相對撫膺流泣無不感動鎮關不泱旬克奏膚功加秩世襲及卒晉階

諭祭以酬其勳子國梓歷官永平道

以上武職舊志

陳欽字亮之浙江會稽人進士宏治八年以兵部主事任山海分司清簡平易卓有高致終仕無苛擾之令民甚德之且邃於詩學雅好吟咏

谷中虛山東海豐人進士嘉靖二十七年以兵部主事任山海分司視關政三年澹泊儉素一塵不溜時遼左承平比屋殷富馬匹賤售而西者首尾相望榷關者利其稅悉縱之入中虛獨加厲禁販夫皆領中官貲久饜倍利一旦失望遂挾巨璫書乞本兵言竟執如初

王繼祖陝西咸甯人進士隆慶二年以兵部主事任山海分司坦平簡靜厯官有冰蘖聲時新添參將某有頡頏意繼祖嚴體統不少借一切饋貽卻之後陟守河閒以忤撫臣去

楊植山西陽城人進士萬曆十二年以兵部主事任山海分司清介方正居官三載不受饋遺各行俱用時估執法嚴而不苛留心惠養免挂號一呈軍民銜感訓誨諸生諄諄不倦

李如檜號太巖山東陽信人進士萬曆三十三年以兵部主事任山海分司廉平蒞官坦和待物課士評文如家人父子準舊引填名軫念民瘵時稅璫高淮肆

虐檜不吐不茹綽然挽掖及淮稔惡貫盈軍民激變
檜調停息亂拊淮出境一時獲免騷害

楊葆和雲南大理人舉人崇正二年任管關通判勤政
愛民不事趨奉時佘儀部一元初應童子試和卽以
大受相期許勉望諄至未幾以不得於上官謝病歸
朱國棟陝西富平人進士崇正十一年任巡撫性沈毅
持大體更定營制軍政肅然上疏修西羅城以資捍
衛尋遷秩去關人欲爲建專祠以鼎革未果

劉綱山海衛指揮僉事天順間視衛篆以賢稱體統甚
嚴每侵晨詣公座千戶以下肅肅雁序咸執屬禮罔
敢譁者器物食用皆宿購遇上官至輒出以應不絲
毫斂於下於學校以提調自任創建東西廡暨學舍
諸生違教者輒廷責之罔敢不服

狄珍字國賓山海衛中右所千戶少時與海鈞蕭公同
肄舉子業志趨甚端長承廕署所篆文雅忠厚爲流

輩所推

以上從山海志補